



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 29.1.2018

Presidi: Peer-Puorger Victor

Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco

Fabrica: Paulmichl-Rodigari Albin

Giast/s:

tractandas	tema	responsabel
1	0120 Executiva Acconsentimaint protocol	tuots
2	7201 Provedimaint d'aua persa Dumonda dad Andri Caviezel ed Ernst Mayer per laschar tachà l'aua meteora da lur stallas illa chanalisaziun cumünala	vp/ap
3	0220 Uffizi da fabrica Dum. da fabrica no. 058/2017, s-chala externa fatschada nord, renovaziuns internas, refar fanestras, Häfner Strada SA, parcella No. 6157, Prà da la Faira 1-161-A, 7558 Strada	vp/ap
4	7900 Planisaziun dal territori Engiadinalaina SA, dumonda per ingrondir la zona da mansteranza a Plan da la Punt	vp/ap
5	7900 Planisaziun dal territori Infrastructura Plan d'Areal Chafleur	vp/ap
6	0110 Legislativa Deliberaziun da l'oblig d'abitaziun residenziala Dumonda	vp/mf
7	5790 Ulteriurs provedimaints Uffizi social Restituziun sustegn social	vp/mf
8	2100 Scoula Logopedia; infuormaziun generala Organisaziun da la logopedia / nouva clav da scumpart	vp/mf
9	7101 Provedimaint d'aua Provedimaint d'aua Concuors Piz Tschütta SA, Vnà, quint taxas annualas	vp/mf
10	8400 Turissem Turissem Valsot (general) Associaziun "Ils plü bels cumüns da la Svizra" / commemoranza	vp/mf

11	0210 Administraziun cumünala Archivar cumünal	vp/mf
12	0120 Executiva Orientaziuns	tuots
13	0120 Executiva Varia (suprastanza cumünala)	tuots

0120 Executiva

1 **Acconsentimaint protocol**

Il protocol da la sezzüda dals 20 da december 2017 vegn approvà.

7201 Provedimaint d'aua persa

2 **Dumonda dad Andri Caviezel ed Ernst Mayer per laschar tachà l'aua meteora da lur stallas illa chanalisaziun cumünala**

La suprastanta, Ursina Caviezel, piglia recusaziun. Culla construcziun da las duos stallas d'eira la lingia da l'aua meteora gnüda tachada vi da quella da la chanalisaziun cumünala. Il motiv es, chi nun es oter pussibel da manar davent quella. Uossa es avantman il parair dal geolog, chi cumprouva cler chi nun es pussibel da laschar sfuondrar l'aua in quel territori. I regna privel d'erosiuns e da boudas. La pussibilità da pumpar l'aua amunt illa lingia existenta chi maina sur la stalla nun es datta, quai our da motivs finanzials sco eir da capacità.

La suprastanza decida uschè d'acceptar quella situaziun, però in sen d'ün'excepziun unica, causa ch'ün'otra pussibilità nu daja. In cas, schi vess cul temp d'as far prevalair üna pussibilità our da qualunque motiv, sto la fatschenda gnir examinada e missa in uorden seguond prescripziuns da la ledscha.

0220 Uffizi da fabrica

3 **Dum. da fabrica no. 058/2017, s-chala externa fatschada nord, renovaziuns internas, refar fanestras, Häfner Strada SA, parcella No. 6157, Prà da la Faira 1-161-A, 7558 Strada**

Il petent prevezza da metter insembel duos abitaziuns sül seguond plan e da fuormar üna landroura. Implü prevezza quel da construir dadourvart üna s-chala nouva – fatschada vers nord. La dumonda es statta publichada ed i nu sun entradas ingünas protestas. Il permiss davart da la pulizia da fö es avantman.

La fatschenda es in uorden e la suprastanza conceda quel permiss.

7900 Planisaziun dal territori

4 **Engiadinalaina SA, dumonda per ingrondir la zona da mansteranza a Plan da la Punt**

Culla construcziun dal repar davart dal GKI es gnü müdà il cunfin da la lingia da dret da fabrica lung l'En. Il possessur, Rolf Rüdüsühli, ha inoltrà la dumonda da princip pel ingrondimaint dal suost pel deposit da laina. Quel intent bsögna però ün ingrondimaint da la zona da mansteranza, ün spostamaint da la zona da privel cotschna ed ün spostamaint da la determaziun dal spazi d'aua. Quai es però be pussibel in connex cun üna revisiun parziala da la planisaziun cumünala.

La suprastanza es perincletta cun quel proceder e decida però da pretender lura ün nouv contrat da dret da fabrica, i'l qual es resguardà l'adattamaint dal fit da dret da fabrica e la nouva situaziun. Sco prüm pass vegn uossa redigi il contrat previs ed suottamiss quel al petent. Scha quel va daperüna cun tal vain lura introdüt il proceder pella revisiun parziala da la zona da mansteranza.

7900 Planisaziun dal territori

5 **Infrastructura Plan d'Areal Chafur**

Il manader tecnic infuormescha lasupra a man dal plan adattà dal büro Canclini e partenaris. I bsögna là amo da cumplettrar quel cun ün ulteriur idrant per chi po gnir cuvernà il spazi da stüder. Ultra da quai fess quai sen da prolungar la lingia d'aua fin a Chafur, quai eir sün proposta d'ün votant in radunanza cumünala. Quist'etappa dess però gnir realisada pür dal 2019, las lavuors dessan però gnir publicadas suot submissiun insembel cun quellas previssas dal 2018.

La suprastanza es perincletta cun quel proceder.

0110 Legislativa

6 **Deliberaziun da l'oblig d'abitaziun residenziala**
Dumonda

Cull'ultima dumonda prevezza il petent, schi nu füss pussibel a la suprastanza da til confermar fingià uossa il criteri, previs illa nouva ledscha da fabrica, ch'is rechatta però pür in consultaziun preliminar pro'l Chantun insembel cun tuotta ulteriura documainta da la revisiun da la planisaziun. Quella prevezza la taxa da recumpensaziun da frs. 1'000.00 pro m², quai chi significhess per el ün import plü bass co la pauschala da 15%.

Il capo po infuormar, cha i'l fratemp as rechatta il petent in trattativas plü concretas cun ün cumprader e ch'in quel cas saja per el quista fatschenda evasa. Uschè nu bsogna quai ingüna decisiun.

5790 Ulteriurs provedimaints

7 **Uffizi social**
Restituziun sustegn social

Quista tractanda suottastà al secret d'uffizi.

2100 Scoula

8 **Logopedia; infuormaziun generala**
Organisaziun da la logopedia / nouva clav da scumpart

Ils presidents dals cussagls da scoula han decis d'introdüer üna nouva clav da scumpart. Il cussagl da scoula da Valsot ha fat bun quella. Uossa sto amo la suprastanza sancziunar quella, per chi's possa müdar la cunvegna da prestaziun. Ella consulta la documainta chi muossa la nouva clav da scumpart cun ün exaimpel. Pel cumün da Valsot significha la nouva clav ün respargn da ca. frs. 10'000.00, dependent adüna da quants scholars chi han lura da consultar las uras da logopedia.

La suprastanza es perincletta culla nouva clav da scumpart e tilla sancziunescha.

7101 Provedimaint d'aua

9 **Provedimaint d'aua**
Concuors Piz Tschütta SA, Vnà, quint taxas annualas

Davart da l'uffizi da fallimaint vegn infuormà, cha'l plan da collocaziun saja entrà in vigur legala, uschè cha'l quint da taxas 2017 sur d'ün import da frs. 1'525.25 nu po plü gnir integrà in quel.

La suprastanza decida da scriver giò l'import resguardond però il consüm d'aua chi'd es amo gnü retrat. Quel import s'amunta a frs. 588.80, uschè chi sto amo gnir desisti d'ün import da frs. 936.45.

8400 Turissem

10 **Turissem Valsot (general)**
Associaziun "Ils plü bels cumüns da la Svizra" / commemoranza

L'associaziun «Ils plü bels cumüns da la Svizra» as vaiva annunzchà pro nus in connex cul anteriur cumün da Tschlin chi figüraiva tanter ils trais plü bels cumüns da la Svizra. L'associaziun ha per böt da registrar, d'arcugnuoscher, da proteger il stadi, d'augmentar la valur sco eir da far palais ils plü bels cumüns da la Svizra. La cifra da quels vain però limitada sün max. 50. La virtù da propaganda es considerabla, causa cha quella distribuischa in material e broschüras in möd fich vast.

Uschè es gnü la dumonda scha nos cumün vuless dvantar commember da l'associaziun, apunto culla fracziun Tschlin. La commemoranza cuosta frs. 500.00 l'on implü 20 raps pro abitant, dimena in nos cas significha ca. frs. 680.00. Davo trais ons po ün cumün lura eir demischiunar quella, obain cha quella as prolunga d'on ad on. Ün cumün commember po eir far adöver dal label da l'associaziun. I pon eir gnir montadas tablas chi muossan via sün quai.

La suprastanza chatta quist üna buna pussibilità da propaganda sül sector turissem e cultural e decida da dvantar commember.

0210 Administraziun cumünala

11 **Archivar cumünal**

L'archivar in uffizi ha seis domicil our d'cumün resp. regiun. Per cha'l custodi da l'archiv possa gnir garanti permanentamaing prevezza la suprastanza da tscherchar üna soluziun.

0120 Executiva

12 **Orientaziuns**

Il capo, Victor Peer, infuormescha sur dal stadi da diversas fatschendas, sco recuors entrats sül sector da fabrica, andamaint pro la magistraglia e.o.p.

Viver in Engiadina Bassa – eir ill'età avanzada

Ursina Caviezel surdà il protocol da l'ultima sezzüda da la gruppa da lavur. La suprastanza discuta ün'ulteriura jada la pussibilità d'ün ev. bus-taxi.

0120 Executiva

13 **Varia (suprastanza cumünala)**

Da la tractanda varia nu vegn fat adöver.

7556 Ramosch, 07.02.2018



Il capo:

Il manader administraziun: